


INFLAZIOA

KPI indizea apaldu egin da eta bi digituko igoerak alde batera utzi ditu

KPI INDIZE OROKORRA

Urte arteko aldakuntza tasa



Inflazioa %8,5era jaitsi zen irailean, bi hilekotan bi zenbakiko hazkunde tasak jaso ondoren. Hala, KPIa azken urteetako balio handienetatik urruntzen joan zen pixkanaka, eta bi hilabetez jarraian jaitsi da aldakuntza tasa. Jaitsiera elektrizitatearen prezioen merkatzeak eta, neurri txikiagoan, erregaien eta garraioaren prezioen murrizketak eragin dute.


KPIAREN BANAKETA

Urte arteko aldakuntza tasa eta ekarpenak

	2020	2021	2022ko iraila	Ekarpena
Inflazio osoa (%100)	-0,1	3,1	8,5	8,5
Azpiko inflazioa (%79,5)	0,8	1,0	6,1	4,9
- Elikagai landuak (%15,8)	1,7	1,4	12,6	2,0
- Industria ondasunak (%22,7)	0,3	1,0	5,6	1,3
- Zerbitzuak (%41,0)	0,8	0,7	3,8	1,6
Hondar inflazioa (%20,5)	-4,0	12,1	17,9	3,6
- Landu gabeko janariak (%9,3)	4,0	2,6	13,4	1,2
- Energia (%11,2)	-9,4	21,3	21,3	2,4


AZPIKO INFLAZIOA

Urte arteko aldakuntza tasa



HONDAR INFLAZIOA

Urte arteko aldakuntza tasa



BRENT MOTAKO PETROLIO UPELAREN EGUNEKO PREZIOA

Dolarrak upeleko



Halaber, azpiko inflazioa hiru hamarren jaitsi zen abuztuko datuaren aldean, %6,1ean gertatuz. Jaitsiera horri esker, goranzko joera hautsi zuen, baina egia da inflazio globalak izan zuena baino beherakada txikiagoa izan zuela adierazle horrek, lehengai jakin batzuen portaera baliatu baitzuen, hala nola petrolioarena eta elektrizitatearena. Lehenengoaren prezioa ez da 100 dolarretik gorakoa izan irailean, eta elektrizitatearen prezioa, berriz, apaldu egin da, Espainian

eta Portugalen gasari ezarri zaion muga dela eta. Bilakaera horren ondorioz, etxebizitza eta garraio taldeak apaldu ziren gehien, hurrenez hurren %25,9tik %14,7ra eta %10,5etik %8,1era igaro baitziren. Aitzitik, elikagaien eta alkoholik gabeko edarien taldeak erakutsi zuen igoerarik handiena (%13,9) 1994ko urtarrilean talde horren bilakaera erregistratzen hasi zenetik, nahiz eta elikagaien lehengaien prezioak merkatu egin diren.

KPI TALDE NAGUSIAK

Urte arteko aldakuntza tasa. 2022ko iraila

	Euskadi	Espainia	Eurogunea
INDIZE OROKORRA	8,5	8,9	9,9
Janariak eta alkoholik gabeko edariak	13,9	14,4	13,8
Edari alcoholdunak eta tabakoa	4,7	4,3	4,1
Jantziak eta oinetakoak	3,9	3,9	3,2
Etxebizitza, ura, argindarra eta beste erregaiak	14,7	14,2	21,1
Altzariak, etxeko tresneria eta mantentzea	7,8	7,8	7,8
Osasuna	0,5	1,1	1,4
Garraioa	8,1	9,4	10,9
Komunikazioak	-2,5	-2,5	-0,8
Aisia eta kultura	3,5	3,4	4,6
Hezkuntza	1,9	1,2	3,8
Jatetxeak eta hotelak	7,4	7,9	8,5
Bestelako ondasunak eta zerbitzuak	3,9	4,1	3,4

Iturria: INE, Eurostat eta Ekonomia Gaietarako eta Eraldaketa Digitalerako Ministerioa.